

H.N.Zool.
XII
1269

8°

Zoolog 3022.


XII 1269 Hg-B

SUB Göttingen

113 541 260

7





PROLVSIO ANATOMICA
DE
SINIBVS FRONTALIBVS

QVA MVNVS
PROFESSORIS MEDICINAE ORDINARII

IN
ALMA GEORGIA AVGVSTA
NVTV AVGVSTISSIMI DOMINI
GEORGII III.

MAGNAE BRITANNIAE FRANCIAE ET HIBERNIAE
REGIS

DEFENSORIS FIDEI
DVCIS BRVNSVICENSIS ET LVNEBVRGENSIS
S. R. I. ARCHITHESAVRARI ET PRINCIPIS
ELECTORIS

CLEMENTISSIME SIBI DEMANDATVM

PUBLICA AVSPICANDVM ORATIONE

INDICIT

D. IO. FRID. BLVMENBACH

GOTTINGAE,
Typos J. CHRIST. DIETERICH,

1779.

235

ГІЛІАДА

БУКІЛ. АВГ.

ІМЕЙДЯ НАІ-БРАН-ЗІССОРІЯ-БЯЧ

ІМЕЙДЯ НАІ-БРАН-ЗІССОРІЯ-БЯЧ
ІМЕЙДЯ НАІ-БРАН-ЗІССОРІЯ-БЯЧ

ІІІ КІДЯОВІ

ІМЕЙДЯ НАІ-БРАН-ЗІССОРІЯ-БЯЧ

ІМЕЙДЯ НАІ-БРАН-ЗІССОРІЯ-БЯЧ

EX
BIBLIOTHECA
REGIA ACADEM.
GEORGIAE
AUG.

ІМЕЙДЯ НАІ-БРАН-ЗІССОРІЯ-БЯЧ

ІМЕЙДЯ НАІ-БРАН-ЗІССОРІЯ-БЯЧ

ІМЕЙДЯ

ІМЕЙДЯ НАІ-БРАН-ЗІССОРІЯ-БЯЧ



In adulti hominis cranio ossis frontis tabulae, vbi ad nasi radicem et ad orbitarum angulum interiorem peruererunt, a se inuicem diducuntur, et loco diploës quae in reliquo osse ipsis interiacet, caueas intus formant, quae *sinuum frontale* s. *supercilia-rium* nomine vulgo appellantur. Hi sinus a **BERENGARII CAR-PENSIS** a), acuti et immerito neglecti incisoris, temporibus inde ana-

Celf. 844. p. 150.
a) Magnus **HALLERV** quidem, iam ante **IACOB. BERENGARIVM** notas fuisse sinus frontales, scribit in *elementis physiol.* Hoc tamen ideo in dubium vocamus, quod nuspam apud priores aetate anatomicos harum cauearum vestigium deprehendere potuimus. **GALENVS, ORIBASIVS, RVFVS EPHESIVS, THEOPHILVS PROTOSPATHARIVS** aliique veterum, quamquam in emunctoriis cerebri, quae sibi fingebant, multi sint; nuspam tamen *sinuum frontale* expresse meminere. **CORN. CELSVS** L. VIII. c. 4. de *ulceribus frontale* *sinuum agit*, sibi ipsi cetera ignotorum. **MUNDINVS** quidem, restaurator anatomes, vbi de osse basilari loquitur, *sinuum sphenoidalium*, neutiquam vero *frontale* men-

A

tio-

anatomicis innotuerunt quidem, a plerisque tamen obiter tantum et quasi per transfennam descripti sunt, imo super functione eorum tam ambigue disceptatum est, ut gratiam lectorum inituri videmerum, si sub noui muneric auspicia vniuersam huius particulae humani corporis historiam traderemus: eo quidem ordine defuncturi, ut primo quidquid ipsi in cadaueribus et siccis ossibus obseruauimus, tum quae praeter ea ex aliorum scriptis ad rem congettissimus nostram, singulatim tradamus.

I. Sinuum structura.

In pulcerrimis et maxime perfectis caluariis ita sinus frontales comparatos deprehendimus: in quo quis ossis frontalis latere a glabella et arcus superciliaris capite superiora et exteriora versus unus vtrobique sinus extenditur, qui ab altero ope sepimenti ossei in media ossis regione ad perpendiculum decurrente, separatur. Forma cuiusvis sinus, quamquam maxime irregularis videatur, tamen proxime ad pyramidis triangularis figuram ita accedit, vt basis eius laminae supraorbitali incumbat, versus tempora elatior et angustior, ad nasum vero latior et paululum inclinata in canalem infundibuli-formem descendat; trium laterum autem *anterius* a tabula caluariae externa; *posterior* a tabula vitrea; *interius* demum ab ipso sepimento sinuum formetur; qui omnes tres superius conuergunt et ad summum sepimenti verticem in apice pyramidis terminantur.

Ca-

tionem facit. Primus post VESALIVM iuste et vberius de ipsis agit IO. PHIL. INGRASSIAS in rariss. *super Gal. de ossib. comm.* Panormi 1603. fol.

Capacitas singulorum sinuum, quamquam vix in duobus capitibus perfecte similem reperias, plerumque tamen ad dimidium pollicem cubicum Parisinum circiter accedit. Parietes harum cavitatum in utraque superficie inaequales sunt et undulatae, et quidem plerumque tenues, simplices, et, si luci obuertas, semipellucidae: in crassioribus autem caluariis modo in anteriori, modo in posteriori, modo in utroque latere duplices, adeo ut intus peculiari lamina osssea obducta sint, quae diploë a tabulis principibus separatur: et tunc os frontis in sinuum regione tribus quatuorue tabulis constare, dicere possis.

II. Varietates.

Ast sinus frontales, tam quod ad magnitudinem et extensionem, quam quod ad figuram, mirum quantum in diuersis capitibus variant. In quibusdam enim adeo magnos reperi, ut extrinsecus paene super totam orbitam excurrerent; aut ad pollicis Parisini altitudinem et ultra ascenderent: aut demum retrorsum extenderentur et cum cellulis ethmoideis confluenter: in aliis ad anteriora magis protuberantes, ut arcus superciliares sub fronte ipsa multum exstant *b*): in aliis a parte postica magis in cranii basin retrusos, ut alte super cribri ethmoidei laminam ascenderent, eam fere absconsuri. In aliis simplices: in aliis vero laminarum ossearum pertenuum ope iterum subdiuisos, adeo ut interdum duplices, triplicesque sinus in quois latere agnoscere possis *c*). In aliis praeter

b) Ita in cranio Calmucki ap. FISCHER de modo quo ossa se vicinis accommod. partib. Tab. I. Sed proprios esse huic genti sinus maiores, exinde concludere non ausim.

c) In cranio magni Antonii, giganteae statura hominis, sex sinus frontales,

ter sinus frontales principes alii secundarii, exigui hic illic vel inter orbitae tabulas, vel ad cellulas ethmoideas, delitescunt, partem cum his, partem cum frontalibus cauernis confluentes d). Saepe sinistrum sinum maiorem dextro vidimus. Dextro minorem aliquando reperiri, ALBINVS auctor est: semper dextrum maiorem esse, certe lapsus est accuratissimi ceteroquin VIEVSSENII. In vno cranio, quod coram habemus, sinistra sinus pro portione dextri adeo enormis est, vt dextrorum longe super hunc excurrat, eumque in declivi absconditum plane contegat: qualis fabrica SPIGELIO, NATHAN. HIGHMORE aliisque imposuisse videtur, vt vnicum tantum sinum absque septo, vel in media glabella vel in alterutro superciliari arcu, depingant. Sed et interseptum osseum inter utramque cauernam, non minus quam sinus ipsi, variat. Raro perfecte ad perpendicularm descendit, sed plerumque dextrorum inclinatur, ita vt sinistrum sinum capaciorem, dextrum angustiorem reddat, quam versus sinistram directionem etiam in septo narium GÜNZIVS aliique frequenter obseruarunt. In aliis speciminiibus integra est septi lamina: in aliis vno pluribusue foraminibus interrupta, vt transitus ex vno in alterum sinum pateat. Et ita multis aliis modis variare vidimus cum sinus ipsos tum interfinium eorum, quorum tamen

tales, omnes in nates hiantes, plurimas insuper insolito plane naturae lusu in interiori ipsius ossis frontis superficie insculptas fossas, anfractuosos ductus vna et foramina; quae omnia tamen in medullarium solum penetrare videntur. BOETTICHER
de cranii ossibus.

d) SANTORINI obs. anat. p. 89 sq. GIRARDI ad tab. posthum. Santor. p. 51. COWPER ap. Drake *anthropol.* T. II. p. 310. qui tamen distincte minus de ipsis agit.

5

tamen recensum, vt aequa sterilem ac taedium afferentem, hic omit-
timus. Defuisse interdum in adulorum craniis sinus frontales, adeo
vt ne vestigium quidem eorum deprehendi potuisset, iam apud
ALEX. BENEDICTVM lego, et praeter eum **HIGHMORE, ALBI-**
NVS, HALLERVVS, ALEX. MONRO pater, aliique testes sunt. Sed
praeter morbos recensendos infra, sanos quoque homines adultos
vtroque sinu frontali interdum plane carere, vix concederem: imo
clarissimos viros diligentia non maxima fortassis in eos inquisiuisse
persuasum habeo. Non nunquam enim adeo exiles sunt sinus, vt,
nisi altius paulo caluaria resecetur, in conspectum haud veniant,
attamen in ipso orbitae interiore angulo delitescant: quale exem-
plum in cranio Burgundici hominis, sub Carolo audace militantis, et
anno 1476. ab Heluetiis caesi (quod ex ossuario celebri Moratensi
depromtum dono dedit Cl. wvss) coram video. Deesse sinus fron-
tales, quibus sutura sagittalis in frontem continuatur, **FALLOPIAE**
error fuit, quem **TH. BARTHOLINVS, AL. MONRO** aliique reci-
nunt; ab **HIGHMORIO** autem, **PAVWIO, NVCKIO e), RIOLANO,**
PALFYNO, ALBINO, et **SCHVLZIO f)** iam refutatus. Ipsi plura
crania sutura frontali conspicua coram habemus, quibus tamen
omnibus sunt sinus frontales, et in vno quidem Specimine pree-
grandes. Sed de singulari interfinii in eiusmodi capitibus fabrica
infra speciatim differendi adhuc locus erit. Simae et planae frontis
homines horum sinuum esse exsortes, **HIGHMORIVS** et veterum
plures putarunt. Sed saepe retrorūm saltem in cranii basin promi-
nere tabulam sinuum vitream, iam supra monuimus.

e) ap. STALP. v. d. WIEL.

f) Auct. disp. de cau. cran. quae Reinigerii nomen pree se fert.

III. *Nexus.*

Verum hi sinus non in totum osse frontis continentur, sed vt in osse a reliqua caluaria separato patet, inferius rectu oblongo et in aequali vtrisque hiant. Hic hiatus a vicinis ossibus, anterius nempe a processu nasali ossis maxillaris, exterius ab osse vnguis, quod ad reliqua autem ab osse cribriformi excipitur, cum cellulis anticis ethmoideis confluit, (adeo vt et nostros sinus cribriformium continuationes dixerit ALBINVS) et in elegantem canalem infundibuliformem angustatur, qui retrorsum descendendo demum obliquo orificio in meatum narium medium aperitur g). Ex tribus enim illis femicanalibus, qui vulgo meatuum nomine veniunt, superiores bini cryptis caluariae ita communicant, vt in superiorem finus sphenoideales, et quidem in partem posticam, cellulae ethmoideae autem magis anteriora versus, exonerentur: in meatum medium vero cum antrum HIGHMORI, tum sinus frontalis cuiusvis lateris hiet. Vtriusque cavitatis ostia sibi vicinia sunt, et in antica meatus parte conspicua: Highmoriani antri ostium amplius paulo et retro post angustius orificium frontalis sinus, locatum. Communicare praeterea frontales finus simili modo cum sphenoideis, REALDI COLVMBI, cum ipsa cavitate encephali et basi cranii, BERENGARII CARPENSIS aliorumque veterum, erronea fuit opinio, nostris temporibus vix mentione ne dicam refutatione indigens.

IV. *Genesis.*

Sed tota haec quam hucusque descripsimus sinuum frontalium fabrica, vt iam in limine dissertationis monuimus, de adolescente tantum

g) v. tab. quam adiecimus. a. b.

et de adulto valet; cum in fetu et recens nato longe aliter se res habeat. Quanquam enim reliquorum sensuum organa in parte numero infante perfecta satis sint, adeo ut oculus quoad magnitudinem parum, quoad structuram nihil incrementi per totam reliquam vietam capiat, auri vero paucae saltem partes per adolescentiam apponantur: nasus tamen internus et tota olfactus officina in modo edito ab hac perfectione mirum quantum adhuc absunt, et rudius tantum inchoata apparent. Cuius attendentи quoque patet, nullo quam hoc sensu infantes tenellos facilius carere: nec hebetiorem diutius preferre posse alium, quam ipsum odoratum. Partem enim nimis adhuc imbecilles sunt, ut sibi ipsi alimenta quaerere nequeant, nec ad distinctionem eorum acri odoratu indigent, verum pro respectu vario longe diutius, quam quodus aliud animal, aliena cura egent. Partem quoque debiliore odoratu ipsis consultum videtur, cum ex ipsa eorum imbecillitate nonnulla in ipsis incommoda redundant, quorum iniucunditate, delicatiore naso magis afficerentur. Praeter alios autem nasi infantilis defectus sinus caluariae praecipue imperfecti sunt, adeo ut corpus multiformis ossis solidum adhuc, cellulosa cribriformis pars nondum exsculpta sit, cauernae maxillaris tenui saltem, frontalium autem sinuum nullum plane vestigium in crano proxime nati agnoscas. Solida enim tum est, tenuis et squamam quasi referens quaelibet bipartiti frontalis ossis pars; ita ut non nisi versus finem prioris post natuitatem anni, prima sinuum frontalium inchoamenta reperire potuerimus. Simul autem ac latera vicina binorum frontis ossium magis magisque inuicem connectuntur, futuraque frontalis sagittali continua distinctius efformatur, partes quoque inferiores, orbitales internae, crassiores, in ea regione vbi

postea

postea hiatus supra dictus apparet, sensim excauantur; quae tenues primo foueolae, progressu temporis vltro quasi vtrobique prorependo, demum in ipsos de quibus agimus, sinus continuantur. Plurimum ad hanc sinuum conformatiōnem conferre videtur actio musculi frontalis, qui tabulam offis externam sensim ab interiore, quam vitream dicunt, et quae ab arcte ipsi praetensa dura matre retinetur, protrahit, idque nobis vel ex eo probabile est, quod pauci musculi faciei in infantibus tenellis toties in actu sint, quoties ipsa haec epicranii pars anterior. Corrugatori superciliorum, cui hanc sinuum efformationem committit immortalis **HALLERV**, parum tribuerem, eam praeſertim ob causam quod multa ex infra recensendis animalibus magnis certe frontalibus finibus, nullis vero corrugatoribus musculis, sint praedita *h*). Disputatum est, num illi inter vtramque caluariae tabulam, adeoque in ipsa diploës regione, an vero solum intra lamellas vnius ex his tabulis (et vt quidem **GAGLIARDO** et **BVDAE**o videbatur, plerumque inter lamellas tabulae intima) efformentur. Priori autem ex his binis sententiis calculum nostrum adiicere, cum ipsa tot capitum inspectio, tum ipsa ratio, iubet; quae multo faciliorē efformationē cauernae in laxo diploës contextu, quam inter arcte cohaerentes lamellas tabulae durissimae osseae, demonstrat.

Sepimentum, quod vtrumque sinum intercedit, ex coniunctis parietibus internis cuiusvis sinus, quorum asperae et acutis denticulis arcte cohaerentes superficies demum coalescunt, efformatur; id
quod

h) Generari calore naturali, qui vapores halitu discutiens simili ratione hos sinus producat, vti panis in furno caueae et cellulae oriantur, absconsa est opinio **INGRASSIAE** p. 100 sq.

quod in iis caluariis, quae futuram frontalem adhuc prae se ferunt, euidenter conspicitur. In his enim interstitium ipsum duplex est; vnde in quoquis ossis dimidio, sinum peculiari lamina clausum, et cum alterius dimidii lamina, futuram imitante asperitate, arctius cohaerentem inuenias.

V. Contenta.

Simul vero ac sinus nostri in osse frontali excauantur; ea quoque membrana quae Schneiderianae aut pituitariae nomine venit, totumque nasum internum inuestit, in eosdem continuatur, adeoque continuo ductu a meatu narium medio, per infundibulum, quod diximus, in ipsos sinus ascendit, internosque eorum parietes arte congettis. In eo saltem membrana, sinus nostros cingens, ab ea quae ossibus turbinatis et septo narium supertensa est, abhorret, quod tenuior sit neque eiusmodi lacunis muciferis *i)* scateat, quales in reliqua membrana Schneideri obseruare licet. Praeter reliqua vero huius sinus membrana vel in eo perfecte cum reliqua conuenit, quod innumeris vasis sanguiferis, tam arteriosis quam venosis, per texta sit: quorum illa ex carotidibus tam externis quam internis originem suam ducunt, haec autem in venas externas iugulares exonerantur. Nervos suos quoque esse huic membranae, vel ex dolore aliisque symptomatibus morbos eorum comitantibus patet: vnde

au-

i) Quamquam expresse et huic membranae similes cryptas tribuat KAAUW BOERN. persp. p. III. Quare viridem hanc membranam sinuum dixerint post SPIGELIVM plures, ignoramus, cum nunquam huic colori aemulam reperire potuerimus.

autem ortum suum ducant hi nerui, subtilius paulo inquirendum est.
MECKELII patris, anatomici summi, sententia quidem fuit, neruum
nasalem quinti paris, si sinum frontalem transiuerit, membranae
eius surculos tribuere: nobis autem nunquam adhuc contigit esse
tam felicibus, ut similem qualemcumque distributionem videre potueri-
mus. In omnibus enim quos eum in finem scrutati sumus, cadaueri-
bus, nasalis neruus postquam foramen orbitarium anterius intrauerat,
ne quidem ipsos sinus frontales, sed vnam ex cellulis anterioribus of-
fis cribriformis, transmigrabat; nuspam autem ne quidem harum ca-
uernarum membranae vel minimum surculum tribuebat. Nam per
totum huncce decursum peculiari vaginae, a periorbita in duram
matrem baseos cranii continuatae, inclusus cernebatur, quae nullibi
ipsum deserebat; imo postquam per aliud foramen laminae cribro-
sae, ad latus cristae galli, exierat neruus, duplicaturam quasi seu
canalem sub principe durae matris lamina circa eum formabat,
eumque ita vsque ad ingressum suum in nares arcte inuolutum co-
mitabatur. Verum alias est surculus frontalis nerui, qui saepe fal-
tim membranae sinus frontalis filamenta dat, et cuius decursum ita
describimus, vt eum summo studio praeparauit, et cum multis aliis
nevrologiae praeparatis afferuatum amice nobiscum communicauit
Exc. WRISBERG Collega conjunctissimus. Figuram dabit Vir cla-
rissimus in noua quam parat Zinniani operis editione. Oritur hic
neruus ex frontali, antequam hic supratrochlearem dederit, et supra
leuatorem palpebrae, proxime sub ipsa periorbita, porro sub ramo
supratrochleari arteriae ophthalmicae, et oblique supra trochlearem
musculum decurrit. Vbi vero ad latus orbitae internum peruenit,
cum ramo infratrochleari ex nasalis, anastomosi ganglioformi coniun-
gitur,

gitur, et in binos demum surculos diuiditur: quorum alter graci-
lior sub trochlea orbitam egreditur: alter vero pone periorbitam de-
currens versus sinum frontalem descendit. Sed neque is nerus ad-
eo constans est, quin quandoque in cadaueribus, omni licet studio in
dissectione adhibito, desideretur. Neque in eo, ceteroquin valde per-
fecto specimine aderat, ad quod eam, quam adiecumus iconem, deli-
neauimus. In alio vero quod nuperime dissecuimus, et adhuc co-
ram habemus, capite, euidentissime filum nerueum in parte postica
membranae pituitariae sinus frontalis sinistri decurrens, obseruauim-
us. Fortassis quoque e ramis olfactorii nerui in reliquam mem-
branam Schneiderianam dispersis surculi hucusque continuantur,
quos tamen neque cultello neque oculo armato hucusque assequi
potuimus. Post VESALIVM veterum plurimi de molliusculo quo-
dam aut medullari, et cortici cerebri non absimili corpore, quod
hac, de qua hucusque locuti sumus, membrana inclusum sit, et si-
nus frontales impletat, tradiderunt: quod tamen temporis progressu
sensim disparuit, neminique recentiorum visum est: vt adeo veteri-
bus bonis viris, mucus, aliquando in his sinibus reperiundus, pro
singulari eiusmodi corpore medullari imposuisse videatur.

VI. *Vsus.*

Tantum de fabrica sinuum frontalium non inutiliter differen-
dum duximus. Iam de dignitate et vsu eorum in oeconomia anima-
li dicendum est. Quas pridem plures sinibus nostris tribuerunt va-
rias vtilitates, vt subiectum cerebrum magis tueantur *k*): vt purge-
tur a muco sanguis ad cerebrum tendens *l*): vt in iis praepareatur

B 2

aér

k) VID. VIDIVS p. 24.

l) VIEVSSEN. nevrogr. p. 94.

aer per nares attractus ad cerebrum perrecturus, ne intemperie sua nobile illud viscus offendat *m*): vt arcum superciliarem prominulum faciant, ideoque oculis sint tegmini *n*): vt materia oleosa in ipsis contenta per foramen ethmoidicum anterius ad orbitam veniat, et oculum humectet ac lubricum reddat, quo oxyssime moueatur *o*): vt cranium hoc modo excavatum eo leuius sit, quod alias pondere suo molestum foret: eas obiter solum nominasse sufficiat; cum plures vere absonae, aliae certe minus subtiliter et praeter verisimilitudinem excogitatae sint. Duobus saltem primariis finibus, super quibus multum a recentioribus anatomicis disputatum est, immorari licet; quorum alii vocis causa, alii ad meliorem olfactum datos esse homini finis frontales, contenderunt. Prius, (ni fallor primo) opinatus est REALDVS COLVMBVS et post cum GABR. FALLOPIA, et post popularem nostrum CASP. HOFMANNVM, AVRIVILLIVS aliquique recentiorum plures. Sed varia sunt, quae nos, quo minus huic opinioni calculum adiiciamus: impediunt. *Loquela* enim, eximiae hominis praerogatiuae, hos inseruire sinus, ex eo improbabile est, quod tot animalia infra recensenda similibus quidem finibus, nullum vero, praeter hominem, loquela instructum sit: quin et variis in morbis, de quibus postea sermo erit, sinus frontales absque loquela detimento plane defecerint. Sed neque ad *vocem* quae humano generi cum reliquis animalibus, quae per pulmones spirant, communis est, multum nobis conferre videtur. Infans enim, diu antequam ipsius conficti sunt sinus frontales, et antequam loqui dicit, *voce* acuta pollet: et multa animalia vocalia absque sinibus;

ea

m) PAAUW, VESLING.*n*) STALP. V. d. WIEL. HIGHMORE.*o*) PICCOLHOMINI p. 357. ed. Rom. 1586. fol.

ea contra stupendis alia sinibus, attamen debili saltem voce praedita, videbimus. Denique per vniuersam fere Europam innotuit exemplum 10. BECKII, qui cum magna palati tam mollis quam ossae parte pleraque etiam nasi organa (viz. ossa nasi, septum cum vomeris maxima parte, spongiosa inferiora in totum; eorum autem quae ad os cribrosum pertinent magnam partem) perdiderat. Is spongia obturatis sinibus et frontis et reliquorum caluariae ossium, adeoque absque ullo narium sinuumque iuuamine, imo absque molli vuula, (quam magis deglutioni quam sermoni prodeesse exinde concludere licet) distincte satis loqui et sonoras voces edere poterat: cum e contrario sublata spongia et apertis adeo ex larynge ad sinus caluariae viis, plane non loqui et aegre vociferari potuerit.

Altera, quod olfactum augeant sinus nostri, opinio, nobis certe multo magis ad veri speciem accedere videtur. Quamquam enim non adeo audacter afferere velimus, eam membranam, quam internis sinuum parietibus supertensam descripsimus, pari modo ac eam, quae ossa turbinata et septum narium inuestit, odoratus organon constitutere; cum iam supra fassi simus, nullas conspicuas neruorum primi paris propagines in hanc ipsam regionem prosequi nos potuisse: id ipsum tamen ex aliis argumentis saltem non improbabile nobis videtur. Nam et idem, cuius meminimus, memorabilis vir 10. BECK, quem saepius vidimus, et in cuius nasi stupendam iacturam studiose inquisiuimus, sublata spongia vtique odorari poterat, quamquam maxima membranae Schneideri pars cum ipsis ossibus illi deesset, et parum praeter eas particulas, quae sinus caluariae inuestiunt, ipsi restaret. Et exempla pertinacium odorum, per multas dies, ne-

scio an hebdomadas, naribus inherentium, qualia post olfacta carcinomata, aut sedes dysentericas, aut sputa phthisicorum, annotarunt obseruatores, ex eo facilius explicari possent, quod eiusmodi particulae odoriferae magna copia et vehementi impetu nares ingressae et ad sinus frontis et reliquae caluariae delatae; illinc quasi inclusae et per longum tandem tempus iterum dissipatae fuerint.

Sed et is finis, si talis est, certe secundarius nobis videtur. Principem autem sinuum frontalium usum eo tendere iudicamus, ut tenuis in ipsis aquula separatur, quae sensim per canalem quem descripsimus, descendendo, veram olfactus officinam humectare, irrigare, adeoque eam sensibilem magis reddere possit. Duplicis enim est humidum nasi indolis; alterum genus est mucosum crassius viscidum, alterum tenue ac pellucidum instar aquae, quandoque, et hiemali praesertim tempore, purum de naribus destillans. Duplicem quoque utrumque agnoscit scaturiginem. Prius enim ex cryptis muciferis membranae pituitariae excernitur, alterum vero ex arteriolis nasi transfudat. Prioris autem parum, imo forte nihil omnino, ex sinibus frontalibus oriri posse, ex fabrica membranae eorum patere videtur, quam tenellam semper, nunquam adeo spongiosam ut reliquam mucosam nasi membranam, certe nullis cryptis muciparis conspersam, in cadaueribus humanis et brutorum deprehendimus. Innumeris vero vasculis sanguiferis, arteriosis praesertim, pertextam esse hanc, de qua loquimur, sinuum nostrorum membranam, vulgo notissimum est. Demum ob facilem humoris huius tenuis in meatum narium medium descensum, plerumque inanes plane et vacui reperiuntur hi sinus: in morbo saltem statu, muco viscidore repleti. Magni autem momenti ad bene olfaciendum esse, vt

viscidior ille mucus nasalis tenuiore sinuum liquido diluatur, ex virtutis huius sensus patere videtur; qui, siue nasus nimis siccus, siue pituita molesta fuerit, hebes et deprauatus apparet. Quod autem Creator Opt. Max. humano naso tam insignibus finibus, tamque mira et intricata fabrica studuerit, hoc vero tanto magis Eius bonitatem declarat, quanto certius homini nasus, non ut ceteris animalibus tantum necessitatis causa, ut victum nempe discernere possint, sed magnam partem ad voluptatem quoque et iucunditatem datus est. Quamquam enim impressiones, odoratus ope in sensorium commune effectae, tenues plerumque sint et transitoriae: tamen ex omnibus quinque, quos vulgo numerant sensus externos, nullus alias tam celeres tam efficaces in toto encephali et neruorum syste-
mate producit effectus, quam ipse, de quo agitur, odoratus. Ut enim momentaneas et mirandas vires fragrantium rerum in syncopatis taceamus, certum est, omnium reliquorum sensuum effectus, quin omnino sanitatem hominum, incundis aut foetidis odoribus mirum quantum vel augeri, vel hebescere, et persuasi sumus, nullas alias sensationes adeo delicatas esse, quam quae per odoratum fiunt.

VII. *Anatome comparata.*

Verum haec quam de vsu sinuum frontalium ostendimus, sententia, vix alio modo magis probari et confirmari posse nobis videatur, quam ex comparatione eiusdem partis in homine aliisque animalibus. Itaque nec iniucundam nec sterilem nos nauaturos esse operam persuasi sumus, si vberiorem eorum animalium recensum subnectamus, in quorum frontales sinus inquirere nobis adhuc licuit; quae nempe vel ipsi dissecuimus, vel quorum sceleta tam in propria suppellectile anatomica, quam in thesauris Regiis musei nostri academi-

demici coram habemus. Nullis autem aliis animalibus conuenire sinus frontales compertum habemus, nisi mammalibus, quae secundum ordinem naturalem a nobis constitutum, recensemus:

PITHECI. In *SIMIA Siluano*, binis *cynomolgis* vtriusque sexus, et **PAPIONE Mandril**, quos omnes ipse cultro subieci, nulli plane sinus frontales. Magno proin Hallero, qui omnibus quadrupedibus tales sinus esse, suspicatus fuit, subscribere nos posse, negamus. Adsunt plures irregulares cellulae in scelto **CERCOPITHECI ignoti**, quo museum academicum donauit Serenissima Waldeciae Princeps Vidua; quod vero praeter ea quoque defectu ossis intermaxillaris (id sane praeter hominem omnibus animalibus, quae dentibus primoribus superioribus instructa sunt, conuenire, alibi diximus), aliarumque partium mira conformatio, a communi structura recedit.

LEMVRI Mongoz, quem viuum aliquamdiu aluimus, nulli sunt.

BRADYPODA. *MYRMECOPHAGVS didactylus* nulos habet sinus frontales. Neque huic adeo acute odorari necesse erat, quum victu per se iam maxime fragrante, formicis scil. vtatur.

SCLERODERMATA. *HYSTRIX erinaceus*. Acute olfaciens animal nulos quidem sinus frontales, sed eorum loco multifariam cryptas ethmoideas habet.

TATV nouemcinctus paruos habet s. fr.

CHIROPTERA. *VESPERTILIO murinus* nulos. Animal nocturnum nyctalopum phalaenis vicitat, quas volitantes melius visu quam odoratu discernere poterat.

GLIRES. *SCIURVS vulgaris* nullos. Alacre enim et elegantissimum animal non adeo delicato eget olfactu, quippe nucibus et semenibus comparatu facilibus vicitat, neque adeo odora vi inuestigare opus habet. Imo hebetiorem paulo esse sciurorum olfactum ex eo patet, quod saepe copiam fructuum abscondant, in quam tamen postea difficile admodum, et vix alter quam fortuito casu, denuo incident.

GLIS auellanarius nullos. vti nec sequentes animalium species:

MARMOTA cricetus;

citellus;

MVS rattus;

musculus;

SOREX Daubentonii.

TALPAE europaea os frontis cum nasi ossibus coalescit; in plurimas cellulas et laminas conchiformes, quas pro ethmoides habeas, diuisum.

LEPVVS cuniculus nullis vtitur sinibus front.

MVSTELA martes habet mediocres sin. fr. eosque innumeris lamellis tenuissimis intertextos. *Zibellina* hic est similis marti.

FERAE. *VRSVS arctos.* Raucae et murmurantis saltim vocis, sed vt vulgo notum est, acutissimi odoratus animal numerosas et enormes fere sinus frontales habet, cum ipsi olfactu inuestigare sit necessum radices sub terra latentes, mella in caueis arborum abscondita &c.

CANINVM genus magnos habet sinus et sagacissimo eorum odoratui pares.

CANIS *familiaris*,

lupus,

vulpes.

FELIS *catus*. In hoc animali sinus frontales ipsam odoratus officinam quod ad partem constituunt, cum ossa turbinata suprema in ipsis delitescant.

SOLIDVNGVLA. **EQQVS** *caballus* maximos habet, morbo mucoso (*Rotz*), et utriusque **LA FOSSE** super huius morbi sede opinione, celebres. Sed et acutum equi odoratum praeter alia maris hinnitus, si vel loco appropinquat, ubi antea fuit equa, demonstrat. Darii *Hystridae* electio in regem Persarum id testatur.

BISVLCA in genere, et inter haec ruminantia maxime, praegrandibus et numerosis gaudent sinibus frontalibus; his ruminantibus eo magis necessariis, cum magna eorum pars timida et pauida sit, ita ut cor ceruinum in proverbum abierit; similius tamen a rapacibus animantibus, lupis etc. in delicis habeantur. Male ideo illis brutis consultum foret, nisi exquisito adiuti odoratu continuo salutares ipsis plantas distinguere, festinanter auellere et deglutire, demum in saltu quodam alioue securo recessu decumbentes, sensim eas ruminare possent. E contrario multa eorum pro portione magnitudinis sinuum debili sene voce praedita sunt; id quod nostrum de harum cauernarum usu sententiam egregie confirmare videtur.

CAPRA *ovis*;

hircus;

rupicapra;

BOS taurus;

CERVUS elaphus;

capreolus.

His omnibus caprini, bouini, et ceruini generis animantibus, quorum crania coram habuimus, sunt maximi sinus frontales: qui non raro insectorum laruis domicilium praebent, morbosque contra-hunt, de quibus infra praecipiendi locus erit.

SVS scrofa;

babirussa.

Vtraque species mediocres habet sinus.

BELLVAE. ELEPHAS maximus. Prodigum et portentum naturae, vt in vniuerso sceleto, ita et in caluariae structura mirum quantum a fabrica reliquorum mammalium discrepat. Ea enim non, vt in his, ex diuersis, futurarum ope cohaerentibus composita est ossibus; sed vt in specimine musei academici coram videmus, ex vnico saltim et continuo osse ita facta est, vt pars, ossibus frontis, verticis, occipitis, et squamosis aliorum animalium respondens, binis tabulis, externa altera, altera interna s. vitrea, constet, tenuibus admodum nec lineam Paris. crassitie sua excedentibus, ad sex pollicum autem distantiam a feso inuicem remotis; et loco diploës numerosis lamellis osseis et exinde confectis cellulis, distinctis. Omnes hae cellulæ interius tenui membrana vasculis sanguiferis repletissima obduncuntur; inter se ope foraminum variorum connectuntur, et anteriores demum in magnum illum hiatum, cui proboscis affixa est, hiantes euadunt. Quotquot sunt huiusmodi cellulae, totidem sinus frontales, tam quod ad fabricam, quam quod ad

vsum, aemulari quasi nobis videntur. Membrana ipsis supertexta aquulam secernit, quae in proboscidem (cum nasi tum manus vice fungentem) deriuata, interiorem eius membranam irrigat, et olfactum huius animalis acutissimum reddit. Inter omnia enim animantia nullum plane tam exquisito pollere odoratu ac elephantem, iam obseruatum est, Notum enim est, vt vnicum saltim afferam exemplum, elephantes vnicam monetam a spectatoribus notataim, a dominis suis vel leuiter digitis attritam, posteaque millenis aliis eius generis numis admixtam folius odoratus ope distinxisse, e toto argenti cumulo extraxisse et separasse. Vox elephanti e contrario pro portione sinuum adeo modica est, vt vel vnicum hoc animal vsum sinuum frontalium vocalem refutare, alterumque quem diximus confirmare posse, nobis videatur.

CETACEA. DELPHINVS *Delphis*. Huic animali mere aquatili nasus ad spirandum ducendumue aërem magis quam ad olfactendum datus, simplex admodum est, a structura nasi aliorum mammalium multum differens, et praeter alia sinibus quoque frontalibus in totum carens.

VIII. *Morbi.*

Illis quae super natura sinuum frontalium hucusque docuimus, pauca adhuc de morbis ad eosdem pertinentibus subnectere liceat; eaque tam de iis, quorum interuentu aut efformatio sinuum in infantibus praepeditur, aut ipsae hae cryptae iamiam efformatae denuo abolentur, quam de iis, qui in sinibus hisce, quamuis secundum naturam constitutis, sedes suas habent, In morbosorum cadaueribus deesse

deesse quandoque sinus frontales, compertum habemus, eoque minus
hoc mirandum videtur, cum et alii alias capitum caueas, MORGANIVS ipsa Highmorii antra in adulti sceleto defuisse, obseruauerit.
Ad eos autem morbos, qui genesi sinuum obstant, cum primis refe-
rimus hydrocephalum internum et rhachitidem. In illo enim pon-
dus aquae aut immediate, aut certe si ventriculis inhaereat, ope
cerebri expansi, adeo frontalium ossium partem orbitalem premit et
protrudit, vt tabulae vix ad foveam diploëm, ne dicam ad effor-
mandos sinus, ab se inuicem diduci possint. Ita enim in hydroce-
phalo osse stupaenda magnitudinis, quem in supellectile nostra ana-
tomica seruamus, lamina frontalis ossis orbitalis adeo protrusa et re-
trorsum deppressa exsistit, vt orbitae ipsae vix agnoscendi possint, sinuum
autem frontalium ne rudimentum quidem adsit. Sed et rhachitis,
dirus infantilis aetatis morbus, praeter alios effectus, quos in fcele-
to producit, in caluaria praesertim ossa ante diem conseruere facit, su-
turas, vt in senibus videre est, delet, et, quod in sceleto rhachiti-
co, quod ipsi asseruamus, vberime videre licet, os frontis in sinuum
regione adeo solidum facit, vt vix exigua diploës, nulla vero ca-
uearum vestigia illinc agnoscere possis. In siphyliticis autem praeter
cariem aliasque ossium affectiones, sinuum quoque frontalium dele-
tionem obseruauimus. Ita inter ossa morbosa musei academicici fron-
tale os exstat, carie venerea adeo exesum et extenuatum, vt diploë
in totum absunta sit, et binae tabulae appropinquarint sibi, adeo
que sint tenues, vt quibusdam in locis paene pellucidae appearant;
frontales autem sinus adeo concreti et per vtriusque tabulae appro-
pinquationem deleti, vt a residuis rictus oblongi vestigiis vnicے ea-
rum pristinam praesentiam hariolari liceat.

Inter

Inter eos autem morbos, qui sinus frontales tanquam sedes suas agnoscunt, prae reliquis vulgatissimus est catarrhus; in quo, ut omnem Schneideri membranam omnesque narium meatus, ita et sinus vicinos, molesta pituita occupari, notissimum est: et speciatim quoque frontales nostros sinus eodem modo affici, cum topicus in coryza ad regionem supraorbitalem sensus grauitatis, tum extispicia docent, in quibus a VIEVSENIO aliisque et nobis met ipsi his sinus muco pleni reperti sunt; quem veteribus anatomicis pro peculiari corpore medulloso imposuisse, supra monuimus. Et non iniqua est Cl. virorum opinio, qui septum sinuum intermedium eam ob causam hiatu pertusum et perium esse existimarunt; vt, si forte altero sinu contenta pituita nimis crassa et tenax fuerit, per limpidiorem alterius lateris aquulam dilui, et ad descensum in nares aptior reddi, possit. Verendum enim est, diutius remorato muco, ne per moram contrahat acrimoniam, ne membranam ambientem, osque ipsum demum exedat, ne ita dirissimum malum, narium sc. foetorem, producat: cuius rei exempla apud SALZMANNVM p) aliosque occurrunt. Sed et pertinaces cephalaeas ex ulceribus sinuum frontalium ortas fuisse, copiosi auctores testes sunt. Enormes sinus frontales, qui ad pollicis latitudinem in basin cranii recedentes extabant, ideo quod lobos anteriores cerebri premerint, habitualis epilepsiae causam in milite fecit STALP. v. d. WIEL q).

Demum et de corporibus plane heterogeneis, aut in sinibus frontalibus generatis, aut foris in eos illatis, sermo faciendus cst. Calculos, vt in plerisque corporis humani partibus, ita et in his sinibus generari posse, non est quod dubites. Ipsi calculum vidimus, qui

p) obs. anat p. 13.

q) Cent. I. obs. 38.

cerasi nucleus infortunio in narium supremam partem delatum, ibi-
 demque per annos haerentem, crusta lineae Paris. crassitie obduxerat.
 Et in ipsis sinibus frontalibus haerentes calculos chronicæ cephalæae
 causam facit VOGELIUS r) aliique. Fractis et vulneratis sinibus diu
 postea inhaesisse telorum frusta, globulos plumbeos, caetera, nume-
 rosa testantur exempla. Iam apud ALEXANDRVM BENEDETTI,
 ex primis post restauratas literas anatomicum, historiam graeci ho-
 minis lego, qui ad Chalcidis expugnationem sagitta vulneratus fue-
 rat, post quintum annum grauiori sternutamento eius frustum e na-
 ribus excussum. Fractam de fuso, quam sibi in frontem impegerat
 puella, particulam, per 9 menses in frontali sinu haerentem, de-
 dumque subnato abscessu feliciter excretam, HALLERVVS habet s),
 qua obseruatione simul vlcera horum sinuum non adeo pertinacia
 esse, ac vulgo dictum est, euincitur. Et sinuum frontalium ope
 interdum vitam seruatam, cautumque fuisse, ne tela ad ipsum en-
 cephalum pertingerent, compertum habemus; simili fere modo,
 vt de elephantis notum est, vulnera caluariae ipsorum illata pericu-
 li plerumque expertia esse; cum tela facilius cellulis, quae supra di-
 ximus, inhaereant, quam ad tabulam vitream perueniant. Vnde
 non raro accidit, vt in sceletis capitum elephantorum, similia ferra-
 menta aut globuli reperiantur. Denique et animalcula, tam ex in-
 fectorum quam vermium classe, per nares et easdem vias, per quas
 aquulam sinuum effluere diximus, ipsos sinus irrepere ibidemque
 nidulari, et dira symptomata producere, tam ex humana quam bru-
 torum pathologia notissimum est. Res ipsa iam Graecis et Arabi-
 bus

r) Praelect. therap. p. 318.

s) Opusc. pathol. Obs. III

bus medicis nota erat, vt ex ALEXANDRO TRALLIANO *t*), RHA-
ZE *v*), et AVICENNA *x*) video: quanquam ipsum vermium habita-
culum, sinus sc. frontales, ignorarunt. Ex *insectorum* classe inpri-
mis hic pertinent laruae oestri, maxime ouini, cuius vberrimam
historiam dedit REAVMVRIVS *y*), et cuius laruae saepenumero in
sinibus frontalibus ceruorum, capreolorum, caprarum, praecipue ve-
ro ouium occurrunt. Ques hoc morbo laborantes nostratis Seeg-
ler dicuntur: pluresque eorum ante aliquot annos cum in viciniis
nostris ruralibus epidemica grassaretur haec affectio, cultello subieci-
mus; semperque laruas oestri, vnam aut plures, vnico aut vtrique
sinui inhaerentes, offendimus. Et eiusdem forte, aut similius cer-
te *insectorum* laruas quandoque et in humanis cadaueribus reperta,
aut ab aegrotis e naribus sternutatione foris proiecta fuisse, nume-
rosa apud FERNELIVM *z*), ALSARIVM *a*), HILDANVM *b*)
RONNSEVM *c*) aliasque extant testimonia. Praeter infecta autem
triplicis quoque generis *vermes* hinc inde in sinibus frontis reperti
sunt. Lumbrici viz. fasciolae et hirudines. Lumbricum fuisse au-
guror eum vermem palmae longitudine, quem amicus BENI-

t) L. I. de Democrate atheniense oraculi Delphici suasu horum ver-
mium vnu a comitiali morbo liberato.

u) ad Reg. Almanzor.

x) Fen I. tr. 2.

y) Mem. pour l'hist. des Jns. T. IV. p. 552. sqq. tab. 35.

z) de part. morb. et sympt. L. V.

a) VINC. ALSAR. A CRVCE de verme admirando per nares egresso.

Rauenna 1610. 4. et in quaesitis per epistolas.

b) Cent. I. obs. 8.

c) Epist. misc. IO.

VENII d) post tremendam cephalaeam, lipothymia, oculorum caligine, aphonia &c. stipatam, per nares eiecit. Et similem lumbricum in cadavere puerili obseruauit Exc. WRISBERG, Collega coniunctissimus; alium MICH. TROIA Medicus Neapolitanus e). Fasciolum e naribus catuli, diurno muci e naribus et lacrymarum ex oculis fluxu laborantis, prodeuntem vidimus. Et eiusdem quoque generis vermes videntur fuisse, quos e naribus eiectos, aut in finibus post mortem repertos tradiderunt, VALESCVS DE TARANTA, DVRETUS f), VICT. TRINCAVELLAG), TH. BARTHOLINV^s h), qui et ipsum magni nominis virum, OL. WORMIVM, similem e naribus emunxisse vermem, retulit. Hirudines demum tres, ad quatuor pollicum longitudinem accedentes, in sinu frontali canis, ultra dimidium annum stupidi, offendit Exc. WRISBERG i); et eundem affectum DEMETRIO PEPAGOMENO k) iam notum fuisse, est quod suspicor. Cuiuscunque autem generis fuerint animalcula, sinibus frontalibus inhaerentia, morbosa tamen producta ab iis symptomata in uniuersum eo redeunt, vt vehemens et fixus quidem in regione superciliari fuerit dolor; nares prurient, mucus foetidus e naribus manauerit, oculi lacrumarint, sternutatione morbosa et saliuia in os affluente affecti fuerint homines, aliquando etiam lipothymia correpti; semper

D 2

per

d) de abdit. morb. caus. c. 100.

e) v. Ei. rariss. obseru. de magno lumbrico in frontali sinu reperto et totam eius cauitatem replente. Neap. 1771.

f) Schol. ad HOLLER.

g) de aff. part. L. IX.

h) Cent. I.

i) de animalc. infusor. p. 1.

k) de cura canum, p. m. 662.

per vero vertigine laborarint, quae ex consensu sinuum per ramulum
nerueum ex quinto pare ipsos transmigrantem, facile intelligi potest.
Id vnum addidisse sufficiat, persuasissimum nos habere, vermes si-
num frontalium saepius fortassis vertiginis caussam latentem esse,
ac vulgo creditur: eoque minus ptarmicorum vsum in eo morbo ne-
gligendum, quum, saepe eorum ope vermes expulsos esse, testimo-
nia exstant.

Sed pedem figo: iamque me ad ea, quorum occasione paucu-
la haec praefari datum est, conuerto. Cum enim **AVGVSTISSIMVS**
ET POTENTISSIMVS DOMINVS GEORGIVS III. MAGNAE
BRITANNIAE FRANCIAE ET HIBERNIAE REX, DEFENSOR
FIDEI, DVX BRVNSVICENSIS ET LVNEBVRGENSIS, S. R. I.
ARCHITHESAVRARIVS ET PRINCEPS ELECTOR, Professoris me-
dicinae ordinarii in alma hac Georgia Augusta spartam nuper mihi
clementissime conferre dignatus fuerit, nouumque munus publica
oratione auspicandum sit; eam crafina die h. XI. in auditorio maio-
re de *Zootomiae dignitate eiusque tam in humana anatome quam histo-*

ria naturali utilitate habiturum indicō. Cui panegyri ut benigne atque comiter interesse velint Magnificus Academiae Prorektor, S. R. I. Comites illustrissimi, Patres Academiae et Professores Celeberrimi, Doctores omnium ordinum Clariss. et Commititones Generosissimi, nobilissimi, ea qua par est, obseruantia, oro et rogo. P. P.
Gottingae d. XIII. Aug. clo Io cc LXXXIX.



EXPLICATIO FIGVRARVM.

Cum nec HALLERIANA neque SANTORINI posthumā tabula narium internarū, directionem sinus frontalis satis bene exhiberent, operae pretium esse duximus, nouam faciendi, quam curatissime ad recens cadauer delineauimus,

Capitis pars media a glabella ad sellam turcicam et a basi crani ad palatum usque, ad perpendiculum dissecta. Sublatis septo narium, crista galli, osse spongioso superiore, et intersepto si-
num frontalium.

A. B. os frontis.

C multiforme.

D Sinus sphenoidalis in hoc specimine contextu celluloso osso repletus.

E os palatinum.

F maxillare.

G nasale dextrum.

a Sinus frontalis dexter.

b c d meatus narium medius. b ostium sinus frontalis. c ostium antri Highmori.


e f g h meatus narium supremus. e f g ostia cellularum ossis cribiformis.

i k meatus narium infimus.


l m n o p membrana Schneideriana. l qua tegit os spongiosum inferius. m cryptae muciferae.


n qua tegit os spongiosum Morgagnii. o p laciniae reflexae.

q fossa cui inhaeserat os spongiosum superius.



G





31088

~~Anatom. 235⁶~~



© SUB GÖTTINGEN / GDZ | 2010



QPCARD 201

